



39294

kat.komp.


F

Mss. St. Dr.

P

Fest. 3089

*Paulus Quarto Theol. de St. Jo.
carnationis mysterio.*



QVÆSTIO THEOLOGICA

D E

SS. INCARNATIONIS MYSTERIO,

Ex 3. p. q. 1. Doctoris Angelici.

In Alma Academia Cracouiensi

A

Rñdo Patre Fratre PAVLO PACZOSKI Con-
uentus Andreouiē. S. O. Cisterciē. Professo, Phi-
losophiæ Doctore, & S. Th. Licentiatō

Dum in eadem Academia

Insignia Doctoratus in Sacra Theologia

Adm. Rñdus. Dñus. IACOBVS VSTIENSIS

S. Th. & I. V. Doctor, S. Floriani, & SS. Omnium

Præpositus, Facultatis Theologiæ Decanus

Sibi conferret.

Publicè ad Disputandum

PROPOSITA.

Anno Dñi. 1647. Mense Aprili Die 4. Hora 14.

254. In Lectorio DD. Theologorum.




IN STEMMA DOMVS REMBOVIANÆ.



Quam benè robustæ sociantur tela sarissæ,
 Quamq̃ue peraugustum lumen in Orbe ferunt.
 Altum tela petunt? quorsum? cælestia semper
 In Patriâ spirat REMBOVIANA Domus.
 Hasta quid? in medio? geminis connexa sagittis?
 Denotat inuidi roboris illa decus.
 Ergo felici Lechiæ decurre Triones
 Passu, te pietas, te comitatur honor.

Fr. Lucas Lesiowski S.O.Cister.
 Conuen. Andreonien. Profess.



Perillustri & Reuerendissimo Domino,

D. LEONARDO
REMBOWSKI,

*ab hinc
Rembowski
in Poptine*

Diuina Prouidentia

ABBATI POLPLINENSI,

S. O. Cisterciensis in Regno Poloniae

COMMISSARIO GENERALI,

Domino & Patrono Colendissimo.



MINIME habebam animo cui Theses presentes
de Sanctissimo INCARNATIONIS MYSTE-
RIO ex penu Diuina Scientia depromptas, di-
care, & consecrare deberem Perillustri ac Reue-
rendissime Domine; illico namq. Patroni mei
& Macenatis Amplissimi; Tua scilicet Persona
menti occurrit mea, cuius memoria dulcis nun-
quam ab animo meo absuit, eamq. nulla unquam
obliuio, nulla terrarum interiecta moles, nulla locorum distantia obrue-
re vel amouere poterit unquam. Tu enim es, qui iam inde ab annis
aliquot supra decem, dum primò munus Tuum Commissoriale, omnium
votis & acclamationibus tibi commissum, admiranda prudentia exe-
querè, locaq. & Monasteria Ordinis corpore pariter & virtute lu-
strares, me nouellam plantam in Professione Religiosa confirmasti, rese-
cisti, & studijs Philosophicis hauriendis designasti. Vt merito tunc
cum vite paruula, qua recens nata tenaci vinculo adharens trunco, &

Symbolus
ab ea brachijs veluti excepta & amanter sustentata referebat in signe.
Vix nata sustentor; meritò inquam cum eiusmodi palmitē gloriari, &
felicem me talibus fauoribus subleuatū, & paterno gremio exceptū,
pradicare potuerim inclamando, Vix natus sustentor. Temporibus
verò subsequētibz, longē amplissimis me beneficijs prater meritum
cumulasti, dum (ut alia plurima praterream) ad supremum Theologiae
gradum, & lauream Doctoratus sumendam mihi facultatem dare,
Pastoralemq; & Paternam benedictionem impendere non dubitasti.
Ingratitudinis proinde arguerer, si non aliquo submissionis, & intimae
meae voluntatis argumento Tua in me beneficia reuocarem, publicaq;
& honorifica contestatione diuulgarem. Tibi igitur animi mei grata
significatio iure meritissimo exhibetur, Tibi nobilissimarum Scientia-
rum amatori fructus studiorum meorum perlibenter atq; submisē im-
penditur & dedicatur. Sed nec desunt aliae satis idoneae, & grauissi-
mae rationes, quae me ad id faciendum volentem induxerunt. Nam
prater generis tui splendorem, maiorumq; decus, quod inter Illustres
Orbis Poloni familias locū habet eximium; virtutum potissimum Tua-
rum decora, & praestantissima ornamenta, quae in Te elucent, & mani-
festissime conspiciuntur, & meum, & omnium in se animos conuertunt,
singulosq; rapiunt in amorem ac admirationem. Non peccabo enim si vel
leuissime hic commemorauero animi Tui magnitudinem, atq; constantiā
infractam ad aggredienda pariter & ferenda quaq; difficillima, labo-
remq; indefessum in propaganda Sacra Religione familia Cisterciē.
cui non sine magna nostra latitia feliciter praesides. Exemplo siquidem
aterni Verbi Vnigeniti Filij Dei, qui pro salute hominum à regalibus
sedibus in uterum intemeratae virginis descendit, & carnis trabea in-
ductus, omnes diuitias gloriae suae profudit, immensosq; labores pro repa-
ratione generis humani subiit. Tu quoq; pro animabus Tibi concreditis,
ita valetudini Tuae satis infirma non parcis, omneq; genus molestiarum
aggredieris, ut nec hyemis asperitate, nec inclementia caeli, ab itineribus
molestissimis atq; longissimis amoueri, aut deterrereri unquam potueris.
Ipse vnus es Sacri Ordinis nostri Abbas Dignissimus, & Commissarius
Generalis, ipsiusq; Ordinis prius Filius quàm Pater, prius sectator quàm
informer. Ipse es cuius curā nonnullis locis huius Ordinis obseruan-
tia

pe.
 &
 m,
 us
 m
 ia
 e,
 i.
 na
 ag,
 ta
 a-
 n-
 ti-
 m
 es
 a-
 i-
 t,
 el
 ia
 o-
 n.
 m
 us
 a-
 s,
 m
 us
 s.
 us
 m
 a-
 a

ria cultus iuxta Maiorum, & Religiosa Familia Cisterciens: instituta in
veterem integritatem restitutus est & propagatus. Cum enim Diuina
benignitate memoria facunda, ingenio Diuino, vita spectata, consilio pru-
dens, fama celeberrimus, etate grandis, humanarum ac Diuinarum scien-
tiarum peritissimus sis, facillimo negotio omnes Te nostri Instituti secta-
tores, tanquam hominem de celo delapsum suspiciunt, predicant, vene-
rantur, Tuisque monitis, ac salutaribus documentis, atque viuis exemplis
inducti, vita Religiosa conformationem strenue arripientes, pietatis
ac omnis sanctimonie arcem capeffentes, felici gressu ad scopum destina-
tum decurrunt, Ordosque ipse Sacer tua opera & vigilantia luculenter
in dies euirescit. Et licet difficillimum sit opus, imo teste Gregorio Na-
zianzeno, ars artium, & disciplina disciplinarum regere hominem, qui
inter tot animantes & moribus varius, & voluntate diuersus, & quod
periculosius est insensus semper eis qui sibi præsunt; exactum tamen
Tuum iudicium, animus incorruptus, oratio & suada elegantissima, do-
ctrina sana, potissimum autem vita ab omni macula vacua effecit, ut
in omnibus penè Tibi subiectis eluceat quadam morum suauitas, debita
in Te propensio, ac virtutum omnium quasi quidam gratissimus concen-
tus exaudiatur. Quid verò dicam de clementia, qua coniunctam ha-
bet maiestatem & auctoritatem? hæc ita omnium animos deuinxit, &
in Tui amorem, ac obsequium traxit, ut Patrem & Patrem omaninò be-
nignissimum omnes Te non dubitemus compellare, qui à doctrina San-
ctissimi Patris nostri Doctoris mellisui D. Bernardi minime discessisti.
Etenim ille omnibus qui præsunt hanc propinat admonitionem. Eru-
dimini qui iudicatis terram, discite vos subditorum Patres esse debere
non Dominos, studete magis amari quàm metui, & si interdum seueri-
tate opus est, paterna sit non tyrannica, matres fouendo, patres vos cor-
ripiendo exhibeatis, mansuescite, feritatem ponite, suspendite verbera,
producite vbera. à doctrina, inquam, hac saluberrima, ne latum quidē
vnguem discessisti. Vnde eugnomosynes atque lenitudinis Tue constanti
& perpetua fama effectum est, ut ad Te amandum colendumque studio
feramur incredibili, & à Deo Præpotenti, velit Te quàm diutissime ser-
uare incolumem supplicibus deprecamur votis. Quare & ego minimus
quidem omnium eiusdem Sanctæ Religionis alumnus, deuotione tamen

23

XX
voluntatis, & affectu pio in Te ita Deo Volente promptissimus, Tibi Pa-
renti cōmuni & vindici nostræ Religionis, qui Moysen mansuetudine,
Heliam zelo representas, Tibi Archangelo Monachorum, (quod nomen
Fulbertus Odiloni Abbati attribuit) Patrono & Macenati meo Amplif-
simo, Quæstionem hanc præsentem, do, dico, consecroq;. Accipe itaq; hoc
leuidense munusculum quasi mea erga Te perpetua fidei & obseruatiæ
pignus, operamq; hæc qualiscunq; sit, lato hilariq; vultu, & serena frōte
intuere, nominis deniq; Tui auctoritate defende, meq; ipsum Tuo patro-
cinio, fauore, & solita beneuolentia, ac humanitate innata complectere,
submissè oro atq; supplex obtestor.

Perillustri & Reuerendissimæ Dominationis Tuæ

æternum deuotus

Fr. PAVLVS PACZOSKI Conuen:
Andreouien. S.O. Cister. Profess.
Sacrae Theologiae Licentiatus,

D. O. M.



D. O. M.

QVÆSTIO

DE

SS. INCARNATIONIS
MYSTERIO.

Vtrum Incarnatio fuerit necessaria ad peccati remedium, & ad salutem consequendam auxilium efficacissimum sola fide cognoscibile, atque tam quò ad temporis circumstantiam, quàm quò ad modum conuenienter sit peracta?

CON-

CONCLUSIO I.

Incarnatio ad remedium peccati hominis non fuit simpliciter necessaria.

COROLLARIA.

1. *Licet Incarnatio in cuiusvis peccati humani tamen principaliter in remedium originalis est ordinata.*
2. *In Incarnationis opere maxima Dei relucet misericordia.*
3. *Ex Incarnatione nulla Dei dignitatis diminutio est subsequuta.*
4. *Nisi homo peccasset Deus non fuisset incarnatus.*
5. *Qui sacrosancto Incarnationis Mystério contradicunt, summe Dei bonitati inficiantur.*

CONCLUSIO II.

Incarnatio ad consequendam salutem est auxilium efficacissimum.

COROL

COROLLARIA.

1. *Efficacia Incarnationis Dominice etiam ad Creaturas possibles saluandas est sufficiens.*

2. *Homo plus beneficij ex Incarnatione retulit, quàm si nunquam peccasset.*

3. *Etiam in Angelos beneficia ex SS. Mystero Incarnationis sunt deriuata.*

4. *Incarnatio est Dei Omnipotentie opus maximum.*

5. *Non potest non in admiratione esse Angelis Deum hominem factum.*

CONCLUSIO III.

Incarnatio ex parte naturæ Diuinæ est conuenientissima & sola fide cognoscibilis.

COROLLARIA.

1. *Non tamen fuit conueniens natura humana secundum se considerata.*

2. *Incarnatio etiam in bonū totius vniuersi cessit.*

B

3. *Cogni-*

3. *Cognitio Incarnationis supposita fide potest manifestari rationibus probabilibus & similitudinibus.*

4. *Nullius rationalis Creaturae propria vires sufficientes esse potuerunt etiam ad coniecturam futurae Incarnationis.*

5. *Perscrutatio Incarnationis curiosa in Hereses precipitauit non paucos.*

CONCLUSIO IV.

ETiam quo ad temporis circumstantiam Incarnatio conuenienter est facta.

COROLLARIA.

1. *Merito nec in principio mundi, ante, nec statim post peccatum est executioni mandata.*

2. *Non debuit etiā differri usq̃ ad finem mundi.*

3. *Incarnatio maximè commendat Diuinae Sapientiae profunditatem.*

4. *Ab Abacuc Propheta tempus Incarnationis conuenienter vocatur medium annorum.*

5. *Ab*

5. *Ab Incarnatione non modo legis nouæ, sed etiã
veteris auxilia cõuenienter dimanarunt in homines.*

CONCLUSIO V.

IN Incarnatione natura humana
assumpta, conuenienter est à Per-
sona Diuina terminata.

COROLLARIA.

1. *Assumere per se conuenit nature Dei.*
2. *Tota Trinitas Incarnationem Dei Verbi est
operata.*
3. *Conuenienter secunda in Diuinis Persona hu-
manitatem terminauit.*
4. *A plurimis Doctõribus conuenienter docetur
humanitatem absq̃ propria existentia assumptam.*
5. *Non fuit conueniens naturam humanam in
suis suppositis verbo uniri.*





D. Bernardus Abbas Clareaullensis Serm. 2.

De Natali Domini.

VErbum quod erat in principio apud Deum, & Deus erat, anima quæ de nihilo creata est & ante non erat, caro de massa corruptionis sine corruptione aliqua Diuino segregata artificio, qualis nulla iam caro erat, vinculo indissolubili in personæ coeunt unitatem. Habes in his triplex genus potentiae, quod non erat creatum, quod perierat reparam, quod super omnia erat paulò minùs ab Angelis minortum.





E P I C Y T H A R I S M A
Ad Quaestionem Theologicam
DE SS. VERBI INCARNATI
M Y S T E R I O.

Rúdo. in Christo Patri Fratri

P A V L O P A C Z O S K I

Conuentus Andreouicē. S. O. Cistercieñ. Profes-
so, Philosophiæ Doctōri, & S. Th. Licentiato
Lauream Doctoratus capeſſenti.

*A M. IOANNE RACKI Philosophia Doctore, in Colleg: Vla-
disl: Rhetor: Professore, Honoris & amoris ergo*

C O N C I N N A T V M.

A T non edaci semper in exedra
Perdemus aeuum! surgite Gratia
Phœbumq; stertentesq; Musas,
Pierio recreate cantu.

Inflate buxum, tendite barbita;
Pulsate neruos, Atria, Porticus;
Lustrate, secretos recessus
Theologi pia lustra Circi.

*At tu sacrorum prime sodalium
O PAVLE salve! Te profugum sui
Impune trans nubes auito
Calliope dedit ire calo.*

*Miramur isthinc turba minor pedum,
Cum te sequuntur, cum subeunt latus,
Feruntq; venti nec timentem
Icarie sonitum ruina.*

*Tibiq; semper terra minor globo,
Iam iamq; cerni difficilis suum
Vanescit in punctum. ô refusum
Numinis Oceanum! ô scelesto*

*Mirande vates maior Apolline
Orâcla pandes! Sistite, sistite
Vocemq; clamantis, capaci
Densum humeris bibat aure vulgus.*

*Quæ fata nostri? quæ reparabilis
Decreta lapsus? Quisue Theanthropon.
Ex arce stellantis sereni*

*In graciles tenuavit artus?
Hic absq; nullis marginibus fretum est
Hic maior astris; huius in Empyrea
Herere nescit magnitudo,*

Hunc iremunt subiturus Atlas

At Castitatis, deripiens polo
Hunc arctat Aula. Heu Virginei status
Statura, non finita mundo!

Ætherea quia maior aethra
Æterna nostram, nec violabilis
Hæc PAVLE laus est: Calicolas Deus
Calosq; dedignatus, imos


Terricolas Deus ipse, venit
Subire sensus! Secula, secula
Demersa pridem secula recreat.

Quæ plenitudo? nostra primum
Secula glorificat? quis ardor?
Sed est fidei, tuta silentio

Mercēs, futuri temporis Arbiter.
Caliginosa nocte pressit,

Consilium Deus; in latentem
Diuinitatis, sola Fides thronum
Incurioso transeat ambitu,

Ut abo, perscrutator Arcani
Haud habitat simul ipse mecum.





Sub felicibus auspiciis
Adm. Reuerendi & Magnifici Domini
D. IACOBI VITELLII
S. Theologiæ Doctoris & Professoris,
DECANI S. FLORIANI,
Almæ Academiæ Cracouiensis
R E C T O R I S.

C R A C O V I Æ,
In Officina Francisci Casarij, Anno Domini 1647.

Biblioteka Jagiellońska



slidr0009025

